

ELOMET[®] OINTMENT

Mometasone Furoate (0.1% w/w)

Apakah yang ada pada risalah ini

1. Apakah kegunaan ELOMET OINTMENT
2. Bagaimana ELOMET OINTMENT berfungsi
3. Sebelum menggunakan ELOMET OINTMENT
4. Cara menggunakan ELOMET OINTMENT
5. Semasa menggunakan ELOMET OINTMENT
6. Kesan-kesan sampingan
7. Cara penyimpanan dan pelupusan ELOMET OINTMENT
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RiMUP

Apakah kegunaan ELOMET OINTMENT

ELOMET OINTMENT digunakan untuk mengurangkan keradangan dan kegatalan yang disebabkan oleh masalah kulit yang tertentu, yang berkesan dirawat dengan ubat kortikosteroid.

Bagaimana ELOMET OINTMENT berfungsi

ELOMET OINTMENT tergolong ke dalam kumpulan ubat kortikosteroid topikal.

Mometasone furoate bertindak menentang keradangan, mengurangkan rasa gatal dan menyempitkan salur darah.

Sebelum menggunakan ELOMET OINTMENT

- Bila tidak boleh mengguna
• jika anda alah (hipersensitif) terhadap mometasone furoate atau mana-mana ramuan ELOMET OINTMENT yang lain.

Tanya doktor atau ahli farmasi jika anda kurang pasti.

- Sebelum menggunakan ELOMET OINTMENT

Bagi wanita yang hamil atau yang sedang menyusukan anak dengan susu badan

Anda harus beritahu doktor jika anda hamil atau sedang menyusukan anak dengan susu badan, sebelum anda menggunakan ELOMET OINTMENT.

- Jika mengguna ubat-ubat lain

Beritahu doktor atau ahli farmasi jika anda sedang menggunakan krim, salap atau losen lain ataupun jika anda sedang memakan ubat lain. Ini merangkumi ubat yang anda peroleh tanpa preskripsi di farmasi, pasar raya atau kedai makanan kesihatan.

Cara menggunakan ELOMET OINTMENT

- Berapa banyak harus digunakan

Gunakan ELOMET OINTMENT tepat-tepat seperti yang diarahkan oleh doktor. Tanya doktor atau ahli farmasi jika anda kurang pasti.

Sapukan ELOMET OINTMENT dengan tipis pada kawasan kulit yang terjejas.

- Bila perlu digunakan

Sapukan ELOMET OINTMENT dengan tipis sekali sehari.

- Berapa lama perlu digunakan

Sapukan ELOMET OINTMENT pada bahagian kulit yang terjejas sehingga luka sembuh tetapi tidak melebihi tiga minggu.

- Jika terlupa menggunakan

Jika anda terlupa menggunakan salap pada waktu yang sepatutnya, gunakan sebaik sahaja anda ingat, kemudian teruskan seperti biasa.

- Jika mengguna berlebihan (terlebih dos)

Anda harus beritahu doktor jika anda menggunakan ELOMET OINTMENT lebih kerap daripada yang sepatutnya, ataupun pada kawasan kulit yang luas atau untuk terlalu lama kerana kemungkinan krim ini meresap ke dalam kulit dan kemungkinan berlakunya kesan sampingan akan meningkat dan boleh menjejaskan beberapa hormon anda ataupun gula di dalam darah atau air kencing. Kesan-kesan ini lebih mudah berlaku pada bayi dan kanak-kanak kerana mereka mempunyai nisbah keluasan kulit kepada jisim badan yang lebih tinggi.

Semasa menggunakan ELOMET OINTMENT

- Perkara yang perlu dilakukan

Beritahu semua doktor dan ahli farmasi yang merawat anda bahawa anda sedang menggunakan ELOMET OINTMENT.

Jika kulit anda menjadi renga atau sensitif selepas menggunakan ELOMET OINTMENT, berhenti menggunakannya dan beritahu doktor.

Beritahu doktor jika anda rasa bahawa ELOMET OINTMENT tidak membantu penyakit anda atau jika penyakit pada kulit anda itu bertambah teruk atau kelihatan seperti terjangkit.

Beritahu doktor jika anda tidak menggunakan ELOMET OINTMENT seperti yang telah diarahkan, atas apa-apa sebab.

Jika tidak, doktor mungkin menyangka bahawa ubat ini tidak berkesan dan menukar rawatan

ELOMET[®] OINTMENT

Mometasone Furoate (0.1% w/w)

anda sedangkan sebenarnya tidak perlu.

- Perkara yang tidak boleh dilakukan

Jangan gunakan ELOMET OINTMENT di bawah pembalut luka yang tertutup rapat ataupun pada bahagian kulit yang luas kecuali diarahkan oleh doktor.

Jangan gunakan seluar plastik atau lampin yang ketat jika ELOMET OINTMENT digunakan pada kawasan lampin kanak-kanak.

Jangan gunakan ELOMET OINTMENT di dalam mata atau berhampiran mata.

Jangan berikan ELOMET OINTMENT kepada orang lain, walaupun mereka mengalami simptom yang sama seperti anda.

Jangan gunakan ELOMET OINTMENT untuk merawat penyakit lain kecuali diarahkan oleh doktor.

Doktor mempreskripsikan ELOMET OINTMENT khususnya untuk merawat penyakit yang anda hidapi ini. Jika anda menggunakannya untuk merawat penyakit lain, ubat ini mungkin tidak berkesan ataupun mungkin memburukkan penyakit itu.

- Perkara yang perlu diberi perhatian

Jangan gunakan ELOMET OINTMENT pada bahagian kulit yang oklusif dan bergesel seperti pada ketiak atau di lipatan paha kecuali diarahkan oleh doktor.

Jangan gunakan ELOMET OINTMENT pada muka kecuali diarahkan oleh doktor.

Jika penyakit anda tidak bertambah baik selepas seminggu, beritahu doktor.

Kesan-kesan sampingan

Sama seperti semua ubat lain, ELOMET OINTMENT boleh menyebabkan kesan sampingan, walaupun tidak semua orang akan mengalaminya.

Beberapa orang mungkin mengalami beberapa kesan sampingan yang berikut apabila menggunakan ELOMET OINTMENT:

- tindak balas alergi (alahan) pada kulit
- jangkitan sekunder
- kulit menjadi nipis
- tanda-tanda merah yang berkaitan dengan ruam panas
- warna kulit menjadi pudar
- rasa pedih
- rasa mencucuk
- gatal-gatal
- gelenyar
- pertumbuhan rambut yang berlebihan
- kulit menjadi lembut dan menampakkan tanda regang

Kesan sampingan lain yang boleh berlaku apabila menggunakan kortikosteroid topikal ialah kulit menjadi kering, kulit menjadi rengsa, kulit menjadi radang disebabkan alahan sentuhan, dan ruam di keliling mulut.

Jika mana-mana kesan sampingan menjadi serius, atau jika anda perhatikan kesan sampingan yang tidak tersenarai di dalam risalah ini, beritahu doktor atau ahli farmasi.

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui No. Tel: 03-78835550, atau laman web

portal.bpfk.gov.my (Consumers → Reporting)

Cara penyimpanan dan pelupusan ELOMET OINTMENT

- Penyimpanan

Simpan pada suhu yang kurang daripada 30°C.

Jauhkan daripada kanak-kanak.

Jangan gunakan ELOMET OINTMENT selepas tarikh tamat tempoh yang tercetak pada bungkusannya.

- Pelupusan

Jangan buang ubat bersama-sama air sisa atau sampah dari rumah. Tanya ahli farmasi tentang cara membuang ubat yang tidak diperlukan lagi. Langkah-langkah begini akan membantu memelihara alam sekitar.

Maklumat lanjut

- Rupa dan warna produk

Salap legap yang licin dan berwarna putih atau keputih-putihan dan tidak mengandungi bendasing. Salap ini disediakan di dalam tiub berisi 5g dan 15g.

Mungkin bukan semua saiz pek ini dipasarkan.

- Bahan-bahan kandungan

- Bahan aktif: Setiap gram ELOMET OINTMENT mengandungi 1mg mometasone furoate

- Bahan tidak aktif: *Hexylene glycol*, lilin putih, *propylene glycol stearate*, petrolatum putih, air yang ditulenkan dan *phosphoric acid* untuk menyesuaikan pH.

- Nombor MAL:

MAL19992561ASZ (Sumber Belgium)

ELOMET[®] OINTMENT

Mometasone Furoate (0.1% w/w)

MAL19940135AZ (Sumber
Kanada)

Pengilang

Sumber Belgium

Schering-Plough Labo N.V.,
Heist-op-den-Berg, Belgium

Sumber Kanada

S-P Canada,
3535 Trans-Canada Highway,
Pointe-Claire, Québec
Canada, H9R 1B4

Pemegang Pendaftaran Produk

Merck Sharp & Dohme
(Malaysia) Sdn. Bhd.
T2-9, Jaya 33, No. 3 (Lot 33),
Jalan Semangat, Seksyen 13,
46100 Petaling Jaya,
Selangor, Malaysia.

Tarikh kemaskini RiMUP

21/03/2016
(berdasarkan UK PIL 082011)

Nombor siri:

BPFK(R4/1)210316/00083